



Universitätsbibliothek Paderborn

**Dictamen Illustrissimi ac Reverendissimi P. Mag. Fr.
Gabrielis Adarzo de Santander, Episcopi Viglevanensis,
Ad Interrogata respondens Circa Exclusivam, quandoque
à Principibus interpositam, ne ...**

Adarzo, Gabriel

Francofurti, 1660

Qualitates characteristicae Principis de Ecclesia benè merentis.

urn:nbn:de:hbz:466:1-10517

*Characteristicae qualitates Principis de
Ecclesiâ benè merentis.*

37 **Q**uia autem privilegium hoc dicti capitis literis, cunctis apparet commune Principibus, necessarium duxi pro majori pondere & apretio Exclusivæ qualitates expendere, quibus Principum aliqui digniores reddantur, quod à sacro Collegio eis fides adhibetur, & assensus præstetur. Sicut enim in firmamento coeli *Stella differt à stella in claritate*, ita in firmamento militantis Ecclesiæ alij alijs Principibus recensentur clariores. **U**t autem de majori corum apud Ecclesiam merito judicium fiat, indicem subjicio obsequiorum in eam, ut proportione servatā, ipsorum quoque Principum calculatio & æstimatio fiat,

Ille ergo Princeps habendus est ut plus de Ecclesia benemeritus, qui D E O religiosus, subditis pius, omnibus fidus, multarum sub Sancti Petri tiarâ seu Regno, coronis redimitur Provinciarum.

Qui debellatis Mauris, gentibusque ad Evangelium adductis, plura Regna sub unius Ecclesiæ obedientia ligavit.

Qui messiem ditionis suæ mayult mundam, quam

quàm multam , & præeligit minorari purgando,
quàm crescere , libertatem conscientiæ permit-
tendo.

Qui cum Turca jurato inimico Christi , aut
pacem inivit unquam , aut inducias admisit ro-
gatus.

Qui pro Fidei dilatatione exteros alit & instru-
it , ut Christi præcones facti , infidelitatis cæcitatem
illuminent.

Qui pro honore Ecclesiastici Chori sic est zela-
tor , ut crimen reputet absque veniâ , minima eide-
bitæ reverentiæ violatio.

Qui pro Templorum erectione ac nitore , mini-
strorumque vietu , quod ad unius Regni opulentiam
sufficeret , ex proprio quotannis liberalis effudit.

Qui , ut Sanctæ & Romanæ Curiæ gloria splen-
deat , ex Regni ærario continuè incrementa mi-
nistrat.

His igitur generaliter prælibatis , descendo
ad eas qualitates , quæ maximè sunt de casu præsen-
ti. Recensebo aliqua , quæ meo judicio , animi
sinceri , pacem ex corde & non fictè expe-
tentis , sunt signa certissima.